

EGUERRIETAKO KANTAK.¹



SARARTEA.

Arren laster atozte,
Adiskide maiteak,
Utzi zuben nekeak,
Laga zeron lanak,
Aditu diranak,
Berri, berri
Zerubak emanak.

Beielea bildurik
Gaur illunabarrean,
Ukullu bazterrean
Nagoala lotan,
Amets jalosetan
Jesus, Jesus
Agertu zait bertan.

Beleneko sarreran
Dago jayo-lekuba,
Anche dago zeruba,
An ama maitea,
An aita ordea,
Anche, anche
Erredentorea.

Asnas lurriñarekin
Berotubaz lastoa,
Daude idi, astoa,
Ardia bildocha,
Bigundu naiz otza;
Guazen, guazen
Lasterka bakoitza.

ARZAIGOKIA.

Arzai maiteak zorion
Gure deya du zerubak,
Utzi agudo chabolak
Eta zuben ganadubak.

Arzaiak ariñ lasterka
Guazen guztiok Belena,
Jabe Jaun bakar gurea
Adoratzera aurrena.

Jaso biotzak batera,
Begiak umildu bera,
Eta belaunak lurrera,
Guazen Jaunaren aurrera.

Agudo guazen bidean,
Guazen arzayak kontentuz,
Zorion gurean dator
Gaur gizonagana Jesus.

(1) Santa Maria eta San Bizente Donostiako Premieleiza bietarakoberen kappilla maisu On Pedro Albeniz jaunak soñuban ipiñiak, 1830-garren urtena.

KOPLARIA.

Aterik ate nabill
 Jesus-aren galdez,
 Eziñ iñon jakiñik
 Jayo dan edo ez:
 Nabill echerik eche
 Jesus-en galdezka,
 Erregalo egin nai
 Niyoke sieska.

Ditut trocha oyalak,
 Arkume larruba,
 Aurraren berogarri
 Ondo legortuba:
 Amaren saldachoaz
 Ez nago aztuba,
 Eta det aitarentzat
 Apari moduba.

EUSKARICHOA.

Agur aurchoa, salbe Jesusa,
 Zerala ongi etorri,
 Zeruko lore zuri ederra
 Salbe guztiok zedorri.

ZORTZIKOA.

Egiñ arren gizonak
 Bere alegiña,
 Izan arren gogoa
 Borondate diña:
 Ez du erakutsiko
 Bear dan adiña
 Miragarri gaurkoa
 Zerubak egiña.

Mariagandik dator
 Gure Egillea,
 Asierarik eta
 Azkenik bagea;
 Berea da zeruba,
 Lurrare berea,
 Berarena guztiya,
 Goya eta bea.

Lendanaz du María
 Jaunak bedeinkatu,
 Bere berdiñik ez du
 Lurrean arkitu:
 Espiritu Santuak
 Gero du arkitu,
 Gaur da Ama egiñik
 Birjiña gelditu.

Egiña dago, bada,
 Jaunak aginduba,
 Zabal irikirikan
 Daukagu zeruba;
 Barkatuba bertatik
 Dago bekatuba,
 Egiaz biotzetik
 Badator damua.

JOSÉ VICENTE DE ECHEGARAY.